



Synfocity = 960

mail us at : mzsynfo@gmail.com; mizoramsynod@gmail.com - Phone - 2314648

October 24, 2024

□ Board leh Committee peng hrang hrang an ðu

Synod Inkhawmpui atana Synod Department hrang hrangte inruahman lawkna Committee chu October 18, 2024 (Zirtawpni) aþang khan neih ðan a ni.

October 18 (Zirtawpni) khan MCC Governing Board ðuin Secretary-in report a pe a. October 21 (Thawþanni) khan Synod Pension Provident Fund Board Meeting vawi 237-na an ðu a, Secretary Upa R. Lalramchhana'n report a pe a, Treasurer report ngaihthlak a ni bawk. Meeting-ah hian 2025-2026 chhunga PPF Budget sawi ho a ni a, lehkha lut eng emaw zat ngaihtuah a ni bawk.

October 22, 2024 (Thawhlehi) khan Presbyterian Communications Board Meeting Vawi 180-na neih a ni a. Meeting hi Rev. R. Vanlalngbaka, Synod Moderator-in a kaihrui a, Board Secretary, Upa H. Ronghaka hnen aþangin report ngaihthlak a ni. Secretary Report-ah hian, GST dik taka pek a nih zel theih nan Chartered Accountant, Jewel Fanai & Co. rawih chhonzawm a nih thu te, PRESCOM Department En ðatna anga kal ðan mek a nih thu te, May-October, 2024 chhungin Synod Press-in lehkhabu 60 an chhut thu te, July thlaah Bookroom Reduction Sale buatsaih a nih thu te ngaihthlak a ni. PRESCOM Board ðhut khawmah hian budget ruahmanna te leh Synod Inkhawmpuia Report tur te ngaihtuah ho a ni.

October 23, 2024 (Nilaini) chawhma dar 10:00 khan Mizo Sunday School Union (MSSU) Committee chu a vawi 169-na atan an ðu khawm a. Rev. V.L. Luaia Hranleh, Executive Secretary i/c MSSU-in report a pe a ni. MSSU Report-ah hian Puitling Sunday School-in kum 2025-ah Thuthlung Thar zirtirna an zir tur thu te, kum 2024 inchhiarnaah Sunday School hming zia kawng zawng 4,78,600 an nih thu leh report pawimawh dangte pawh ngaihthlak a ni a. MSSU Budget (2025-2026) thlir ho a ni bawk.

October 24-25, 2024 chhung khan Synod Mission Board Meeting an ðu a. Rev. R. Lalmingsanga, Board Secretary-in report a pe a. Report-ah hian Mission Orientation neih a nih thu te, Presbyterian Hindi Bible School Graduation day neih a nih thu te, North East Region Missionary Retreat neih a nih thu te leh report dang ngaihthlak a ni. Tun ðumah hian Bial thar hawn dilna te, Bial hming thlak dilna te, Pro. Pastor nemngheh dilna te, SMB Pro. Pastor hna dilna te leh 2025-2026 budget ruahmanna te ngaihtuah a ni.

Heng Board leh Committee hrang hrangte hi Synod Moderator Rev. R. Vanlalngbaka'n a kaihrui a ni.

Synod committee peng hrang hrangte October 28-November 1 chhungin hetiang hian an ðu leh ang, October 28-ah Theological Education Board, October 29-ah Hospital Board, October 30-ah Pastoral Committee, October 31-ah Education Board leh November 1-ah SL&PB te an ðu ang.

□ Aluminium Mistiri Training kharna neih a ni

Synod Social Front leh Laura Aluminium Extrusions ðang kawpin September 23, 2024 aþanga an buatsaih ðan, Aluminium Mistiri Training chu October 18, 2024 (Zirtawpni) zan dar 7:00 khan Synod Conference Centre, Pi Zai Hall-ah kharna hun hman a ni.

Training kharna programme hi Rev. P.B. Mankima, Synod Secretary-in a kaihrui a. Upa H. Lalmingmawia, Co-ordinator, Synod Social Front-in trainee-te tana hriattur leh report a pek zawhah Rev. V.L. Luaia Hranleh, Executive Secretary i/c Synod Social Front chuan thuchah a sawi a. Trainee-te hnenah certificate a hlan nghal a ni. Rev. V.L. Luaia Hranleh chuan Training-a telte chu fuihin an zir thiamnate chu eizawna tlinga hmang tur te, mahni kea ding zui thei ngei tur leh kan ramah aluminium hmanga eizawna chu eizawna tling a nih zia sawiin, thiamna rintlak nei tura a duhsak thu a sawi. Laura Aluminium Extrusions aþangin Pi Sara Lalengkimi pawhin thuchah a sawi a. Dr. Shirley Lalbiakzuali Chhangte ðum hnih a zai bawk.

Aluminium Mistiri Training-ah hian trainee mi 24 an awm a, trainer mi 2 leh Programme Care Taker mi pakhat a awm bawk. Training neih a nih chhung hian ni hnih chhung chu theory-a an zir hnuah chhun lamah nitinin practical training an nei ðin a. Zana mithiam hrang hrang hnen aþangin work ethics/work culture lecture an ngaihtuah ðin a ni.

❑ **Praise On 2024**

October 24&25, 2024 zan hian Saron Veng Kohhhran Hall-ah Praise On 2024 Second round (Top 30) intihsiakna neih a ni dawn a, Top 30-ah hian Sound track hman a ni ang. Zan khatnaah mi 16 intihsiakin zan hnihnaah mi 14 an intihsiak ang a. Intihsiahte hian Pathian hla an duh ber an sa dawn a ni. Top 30 aţang hian Top 10 thlan chhuah an ni ang a, Top 10 intihsiakna hi November 7-8, 2024 chhungin Dawrpui Kohhhran Hall-ah neih a ni ang. Top 10 aţang hi chuan live music-a zai rem a ni tawh dawn a ni.

October 14-16 chhung khan chhun lamah Saron Veng kohhhranah 1st round intihsiakna neih a ni a, hetah hian mi 117 intihsiakin Top 30 hi thlan chhuah an ni.

Praise On Mal zai intihsiaakah pakhatnain ₹ 1,20,000; pahnihnain ₹ 70,000 leh pathumnain ₹ 50,000 an dawng dawn a. Top 5 chinin ₹ 15,000 an dawng ang a, Top 10 chinin ₹ 10,000 an dawng ve bawh dawn a ni.

Praise On hi First Round aţangin Hruaina Eng TV (Zonet-12 & LPS-15) leh YouTube lamah Live-a pekchhuah a ni a. Top 10 leh Top 5 intihsiakna hi Dawrpui Kohhhranah neih a ni ang.

❑ **Council of Churches in Mizoram (CCM) hawwna inkhawmpui**

Mizorama Kohhhran hrang hrangte inpumkhatna tura pawl din 'Council of Churches in Mizoram' chu October 27, 2024 (Pathianni) chawhma dar 10:30 hian a hawwna inkhawm Mission Veng Presbyterian Kohhhran Biak Inah neih a ni dawn a, Rev. R. Vanlalngbaka, Chairman, Joint Committee-in a hawng ang.

Hawwna inkhawm hi Rev. Dr. R. Lalbiakliana, General Secretary, Joint Committee-in a kaihruai ang a. Pu Lalruatkima, Recording Secretary, Joint Committee-in CCM lo din dan, chanchin tawi sawina leh CCM Hruaitute inhmelhriattirna a nei ang a, Rev. Dr. H. Remthanga, Joint Committee member-in CCM Hruaitute lakluhna (Installation) a nei ang a, CCM President kaihruainain Inpumkhatna Thuthlung chhiar rualna hun hman a ni ang a. Chibai bukna Pu Lalduhoma, Mizoram Chief Minister leh Rev. Dr. Ramengliana, General Secretary, NEICC te hnen aţangin ngaihthlak a ni ang a, Rev. R. Vanlalngbaka, Chairman, Joint Committee-in thuchah a sawi ang, he hunah hian zaipawl pahnih - LIKKB Assembly Choir leh BCM Choir te an zai ang. CCM-ah hian kohhhran hrang hrang pariat - Mizoram Presbyterian Kohhhran, Mizoram Baptist Kohhhran, Evangelical Church of Maraland, Evangelical Free Church of India, Lairam Isua Krista Baptist Kohhhran, Isua Krista Kohhhran, Independent Church of India leh Wesleyan Methodist Church of Mizoram te an awm mek a ni.

October 27, 2024 (Pathianni) chawhnu leh zanah te Vantlang Pathian biak inkhawm a awm ang.

October 26, 2024 (Inrinni) chhun dar 12:30 hian CCM Rorel inkhawm neih a ni dawn a, Rorel hi Rev. R. Vanlalngbaka, Chairman, Joint Committee-in a kaihruai ang a, rorel palai hi kohhhran hrang hrang aţangin mi 552 kal tura beisei an ni. Zanah Vantlang Pathian Biak inkhawm a awm ang a, hetah hian kohhhran hrang hrang report tawi ngaihthlak a ni ang a, zaipawl pahnih - Mizoram Synod Choir leh Mission Veng Pastor Bial Zaipawl te an zai ang.

Council of Churches in Mizoram (CCM) Puipa turte:

President : Rev. Dr. R. Lalbiakliana (BCM)
 Vice Presidents : 1. Rev. B. Zazawna Lai (LIKKB)
 2. Rev. Lalrodinpuia LS Nghaling (IKK Bualpui 'Ng')
 General Secretary : Rev. Dr. Lalmangaiha (MPC)
 Joint Secretary : Rev. T. Salaw (ECM)
 Treasurer : Upa R. Lalmalsawma (MPC)
 Finance Secretary : Rev. Jessai L. Neitham (EFCI)

❑ **Synod Higher Secondary School**

Synod Higher Secondary School chuan October 23, 2024 (Nilaini) chawhnu dar 1:45 khan an Lecturer Joseph Vanlalhruaia Sailo-in National Teachers' Award 2024 a dawn lawmna School Multipurpose Hall-ah an nei a. He hun hi Pu Lalremchhunga Pachuau, Vice Principal-in a kaihruai a, Pi Ngurzikipuii Sailo, Senior Teacher-in school aiawhin lawmpuina thilpek a hlan a. Principal Pu Lalsiammawia Fanai-in thusawina hun nei bawkin Malzai leh Zaipawl zai te ngaihthlak a ni a. Tlaiah staff leh Awardee tawiaawmtute nen zanriah kil ho a ni.

☐ **Mizoram Christian College (MCC)**

◆ October 21, 2024 (Thawhtanni) khan Devotion hunah 'Environment' tih thupui hmangin hun an hman a. He hun hi MCC Sociology Department-in an kaihuai a, Dr. Lallawmsanga, Asst. Professor, Department of Sociology-in thuchah a sawi a. He hunah hian MCC thawktute leh zirlaite chuan Krismas leh kum thar vuak vetah Sawrkar phal loh thil - halpuah, halmawi leh thildang te ti lo turin intiamna an nei bawk.

◆ October 22, 2024 (Thawhlehi) khan MCC Mizo Department te chuan Off Campus 'Mizo Thlawhhma Fan' hun hmangin, Head of Department, P.C. Lalngaihzuala te lo/huan Kawnpuih hun an hman. He hunah hian Pu Lalsangzuala, Asst. Professor, Dept. of Mizo, Mizoram University chu Resource Person a ni a. Mizote thlawhhma lak dan leh an lo nei dan chungchang zirtirna hun a hman a. Zirlaite hian Mizo thlawhhma lak dante a hman an zir a, hlo thlawhte leh a taka tih theih ang ang te an ti bawk.

◆ October 22, 2024 (Thawhlehi) zan khan AMC chuan Mission Vengthlang Local Council huam chungah 'Bawlhhlawh thliar hran chungchanga inzirtirna Campaign' an buatsaih a. He hunah hian MCC thawktute pawh tel tura sawm an nih angin mi pahni an tel thei a ni.

☐ **Worship**

October 24, 2024 (Ningani) hian LIKKBK, Lawngtlai College Vengah Zai hruai training neihpuiin Pu H. Lalrinmawia, Senior Music Instructor leh Tv. Lalawmpuia Tlau te an kal.

☐ **SL&PB**

October 27, 2024 (Pathianni) hian Kanghmun Kohhranah Literature Campaign nei turin thawktute - Rev. Lalbiaknia, Editor; Asst. Editor te - Pu Zohmangaiha; Pi Rinsailovi leh Pi Rallianthangin, O/A te an kal ang.

☐ **Social Front**

October 27, 2024 (Pathianni) hian Awareness Campaign nei turin campainer-te hetiang hian an chhuak ang:

Model Veng Kohhran:

Thupui : Corruption do

Kal tur : Rev. Lalrinmawia

Chawnpui Vengthlang Kohhran:

Thupui : Corruption do

Kal tur : Rev. Dr. Lawmsanga

Kanan Kohhran:

Thupui : Ram ngaw, Nungcha leh Tuihna Humhalh

Kal tur : Upa C. Lalduhawma

☐ **Synod Mission Board**

◆ **Jharkhand Mission Field**

October 20, 2024 (Pathianni) khan belhtu thar pathum an awm.

◆ **Calcutta Mission Field**

October 20, 2024 (Pathianni) khan belhtu thar panga an awm.

◆ **Assam Mission Field**

October 20, 2024 (Pathianni) khan belhtu thar pali an awm.

☐ **Synod Relief Fund**

Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlina pek a ni.

S.No	Khua/Veng	Pek chhan	Chhungkaw zat	Pek zat
1.	Sihthiang	Leimin tuar	4	₹ 34,000/-
2.	Hlimen Damveng	Damlo	2	₹ 20,000/-
			Belh khawm	₹ 54,000/-

☐ **FM Zoawi - Aizawl & Lunglei : Hruaina Eng Radio Programme**

October 25, 2024 (Zirtawpni) @ 7:30 p.m. :

Solo : K. Vanlallawma - Min hnar lul suh, **Zaipawl :** Lunglei Presbyterian Choir - Hmangaihtu Pathian, **Thusawi :** Rev. Lalhmuchhuaka - Inthawina aiin thuawihna, **Solo :** Rebecca Lalmuanpuii - Hnehna hla mawi, **Rawngbawlina report, Zaipawl :** Vaivakawn Bial Zaipawl - Vanram mawiah

- ❑ **Su Samachar Prasaran Programme :**
October 27, 2024 (Pathianni) 5:30 pm. :
Group/Choir/Solo : R. Jydiel - Mero Jeevan, **Group/Choir/Solo :** Synod Mission Choir - Ye aaj ki sunhari, **Sermon :** Rev. P.S. Daniel, **Group/Choir/Solo :** Lalduhawma - Avaarnit, **Group/Choir/Solo :** Khatla South Female Voice - Shukrya
- ❑ **Hruaina Eng TV Programme**
24.10.2024 (Ningani) 7:30 pm : LIVE - Praise On 2024
25.10.2024 (Zirtawpni) 5:00 pm : Kristian Naupang Pual
7:30 pm : LIVE - Praise On 2024
26.10.2024 (Inrinni) 5:30 pm : Puitling Sunday School Zirlai
27.10.2024 (Pathianni) 8:00 am : Weekly round up
5:30 pm : Su Samachar Prasaran
28.10.2024 (Thawhtanni) 8:30 pm : Hruaina Eng Luang chhuak
29.10.2024 (Thawhlelni) 8:30 pm : Kohhran chanchin (Documentary) - Bungkawn Kohhran
- ❑ **Moderator leh Executive Secretary-te Programme:**
Rev. R. Vanlalngaka : Moderator
 Oct. 28-Nov. 1, 2024 Synod Committee peng hrang hrangah a thu ang
Rev. C. Zoramawia : Senior Executive Secretary
 Oct. 24-25, 2024 Synod Mission Board
 Oct. 28, 2024 Theological Education Board
 Oct. 30, 2024 Pastoral Committee
 Oct. 31, 2024 Recruitment Rules Enthatu Committee
Rev. V.L. Luaia Hranleh : Executive Secretary
 Oct. 28-Nov. 1, 2024 Synod Committee peng hrang hrangah a thu ang
Rev. Dr. K. Lallawmzuala : Executive Secretary
 Oct. 24-25, 2024 Synod Mission Board
 Oct. 31, 2024 Education Board
- October 26-27, 2024-a Council of Churches in Mizoram, Rorel leh hawnna inkhawm leh November 2, 2024-a Synod Officers' Meeting (OM)-ah Moderator leh Executive Secretary-te an thu ang.**

PATHIAN THU ZIR DUH TAN

Presbyterian Bible School, Mission Veng-ah Certificate in Theology (C.Th) Admission hawn a ni a. Dil duhte tan a hnuai tarlan hi hriat tur a ni e.

Admission Form : Office hun chhungin ` 10/- a lei theih a ni
 Dil hun chhung : November 21, 2024 (Ningani) tlai dar 3:00 thleng
 Dil thei chin : Class VII pass, kum 16 chin, Kohhran dan chhunga awm
 Interview : November 25, 2024 (Thawhtanni) chawhma dar 10:00
 Class tan hun : January 10, 2025 (Zirtawpni)
 Zir hun chhung : January - April, 2025

Hre chiang duh tan Phone No. 8296035491/9612174790-ah zawhfiah theih a ni.

Sd/-
 Rev. Lalrinsanga
 Principal
 Presbyterian Bible School

